




## ZA SAHRANE I UPRAVLJANJE GROBLJEM - FUNERALS AND CEMETERIES MANAGEMENT

**DIREKCIJA** - Mula Mustafe Bašeskije 38, Sarajevo; Info: +387 33 535 170, Fax: +387 33 535 164  
**PRODAVNICA POGREBNE OPREME** - Petrakijina 1, Sarajevo; Info: +387 33 551 370  
**GROBLJE BARE** - Jukićeva 61; Info: +387 33 551 750 - **GROBLJE VLAKOVO** - Vlakovo bb; Info: +387 33 761 955  
**GROBLJE STADION** - Patriotske lige bb; Info: +387 33 258 306 - **MRTVAČNICA** - Jukićeva 61; Info: +387 33 664 686  
**CVJEČARA BARE** - Jukićeva 61; Info: +387 33 551 375 - **R.J. TRANSPORT** - Vlakovo bb; Info: +387 33 629 025  
**BESPLATNI INFO TELEFON: 080 02 02 68;** mail: kjkp\_pokop@bih.net.ba - www.pokop.ba



**BROJ: 0602-1994-9-11/24**

**SARAJEVO: 25.10.2024. god.**

Na osnovu člana 70. Zakona o javnim nabavkama („Službeni glasnik BiH“ broj 39/14, 59/22 i 50/24), člana 38. Pravilnika o javnim nabavkama broj 02-11-491-7/23 od 28.02.2023. godine i člana 47. Statuta KJKP „POKOP“ d.o.o. Sarajevo, a na prijedlog Komisije za javne nabavke konstatvan u Zapisniku o pregledu i ocjeni ponuda broj 0602-1994-9-10/24 od 14.10.2024. godine, Direktor d o n o s i

### ODLUKU

o poništenju postupka javne nabavke  
po otvorenom postupku

#### Član 1.

Poništava se postupak koji se provodi putem Otvorenog postupka, a koji se odnosi za nabavku drvenih mrtvačkih sanduka i pogrebne opreme LOT 1 Nabavka drvenih mrtvačkih sanduka u skladu sa članom 69. stav 2 tačka d) Zakona o javnim nabavkama nijedna od primljenih ponuda nije prihvatljiva.

#### Član 2.

Ponude ponuđača Palma d.o.o. Donja reka 24, Jastrebarsko, EURO-BICCO d.o.o Terezija 27, Sarajevo i Godex d.o.o. Rudolf Rude Tomića 14, Sarajevo se odbijaju kao neprihvatljive u skladu sa članom 68. stav 4 tačka i) ZJN, jer ponuda nije potpuna i ne ispunjava zahtjeve iz tenderske dokumentacije.

#### Član 3.

U skladu sa članom 70. stav 6. Zakona KJKP POKOP d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđačima koji su učestvovali u postupku nabavke.

### Obrazloženje

KJKP POKOP d.o.o. Sarajevo je u skladu sa čl. 18. i 25. Zakona o javnim nabavkama pokrenulo Otvoreni postupak za nabavku drvenih mrtvačkih sanduka i pogrebne opreme LOT 1 Nabavka drvenih mrtvačkih sanduka. Na portalu javnih nabavki objavljeno je obavještenje o nabavci broj 775-1-1-88-3-97/24 objavljenog dana 29.08.2024. godine i u „Službenom glasniku BiH“ broj 60/24 od 06.09.2024. godine. Kriterij za dodjelu ugovora je najniža cijena.

Na osnovu Obavještenja o nabavci i tenderske dokumentacije, izvršeno je javno otvaranje ponuda dana 14.10.2024. godine u 12:00 sati u prostorijama KJKP „POKOP“ d.o.o. Sarajevo, Centralno skladište, Vlakovo bb, što je konstatovano u zapisniku sa otvaranja ponuda u skladu sa Zakonom o javnim nabavkama („Službeni glasnik BiH“ broj 39/14, 59/22 i 50/24).



**ID BROJ - 4200119040004; PDV BROJ - 200119040004; MBS - 65-01-0701-13; SUDSKI REG. BROJ - 065-0-Reg-08-00297**  
Transakcijski računi: UniCredit Bank - 3383202250686353; ASA Banka - 1344601000218984; RAIFFEISEN Bank - 161000000514004  
NLB Banka - 1327310010008492; SBERBANK - 1401020003012707; INTESA S.P Banka - 1549212005907130; UNION Banka - 10202900000159;  
PRIVREDNA Banka - 1010000071258469; IBAN CODE: BA393387304838543037- SWIFT: UNCRBA22

Komisija je na javnom otvaranju konstatovala da su ponude predali 3 (tri) ponuđača i to: Palma d.o.o. Donja reka 24, Jastrebarsko, EURO-BICCO d.o.o Terezija 27, Sarajevo i Godex d.o.o. Rudolf Rude Tomića 14, Sarajevo.

Komisija je prema članu 65. ZJN pristupila pregledu i ocjeni ponuda, što je konstatirano u Zapisniku o pregledu i ocjeni ponuda, koji je sastavni dio ove Odluke.

Ponuđač Palma d.o.o. Donja reka 24, Jastrebarsko se odbija kao neprihvatljiva za Ugovorni organ iz razloga što isti neispunjava zahtjev vezan za tačku 18. tenderske dokumentacije Ekonomska i finansijska sposobnost i to: U skladu sa članom 47. Zakona, ponuda će biti odbačena ako ponuđač ne ispunji minimalne USLOVE koji se tiču:

- a) njegove ekonomsko - finansijske sposobnost u pogledu činjenica koje se mogu dokazati iz dokumenata koje izdaje banka ili druga finansijska institucija u skladu sa pozitivnim propisima;

18.2. U svrhu DOKAZA o ispunjavanju uslova utvrđenih u tački 18.1. TD ponuđači su dužni u ponudi dostaviti izjavu o ispunjenosti uslova iz člana 47. Zakona, ovjerenu od strane ponuđača, u formi utvrđenoj Aneksom 6 TD. Uz ovu izjavu ponuđači dostavljaju i obične kopije dokumenata iz tačke 18.1. TD, i to:

- a) Ponuđač je dužan dostaviti Potvrdu izdatu od strane banke ili druge finansijske institucije, u kojoj je otvoren „Glavni račun“, sa naznakom od strane banke da navedeni račun ponuđača - „Glavni račun“ nije bio blokiran u zadnjih 12 (dvanaest) mjeseci.

Ponuđač je u sklopu svoje ponude na strani 34/37 dostavio potvrdu kojom Karlovačka banka dd potvrđuje da poslovni subjekat ima aktivan transakcijski račun za redovno poslovanje kod Karlovačke banke d.d. pod IBAN-om HR292.....038 otvoren dana 27.03.2002. godine. Na dan izdavanja potvrde 27.09.2024 u 13.35 status klijenta je uredan. Takođe u razdoblju od 27.09.2023. godine do 27.09.2024. godine na transakcijskom računu IBAN HR292.....038 kod Karlovačke banke d.d. nisu evidentirane nepodmirene obaveze.

Dostavljena potvrda o solventnosti ponuđača Palma d.o.o. Donja reka 24, Jastrebarsko nije u skladu sa zahtjevom iz tačke 18 tenderske dokumentacije kojom ugovorni organ eksplicitno zahtijeva dostavljanje potvrde kojom ponuđač dokazuje da njegov glavni račun nije bio blokiran u zadnjih 12 (dvanaest) mjeseci, s obzirom da je ponuđač dostavio potvrdu za transakcijski račun IBAN HR292.....038 otvoren kod Karlovačke banke d.d. da u periodu od 27.09.2023. godine do 27.09.2024 nisu evidentirane nepodmirene obaveze. Na osnovu dostavljene potvrde se ne može utvrditi da je transakcijski račun IBAN HR292.....038 Glavni transakcijski račun i da isti nije bio blokiran u zadnjih 12 (dvanaest) mjeseci na način zahtjevan tenderskom dokumentacijom. U skladu sa navedenim, a na osnovu člana 57. stav 1 ZJN, a ponuđači su dužni da se u postupcima javnih nabavki pridržavaju uslova i zahtjeva ugovornog organa iz tenderske dokumentacije.

Na osnovu navedenog Komisija konstatuje da se ponuda ponuđača Palma d.o.o. Donja reka 24, Jastrebarsko, odbija u skladu sa članom 68. stav 4), tačka i) Zakona o javnim nabavkama, jer ne ispunjava zahtjeve iz Tenderske dokumentacije

Ponuđač EURO-BICCO d.o.o. Sarajevo, se odbija kao neprihvatljiva za Ugovorni organ iz razloga što isti neispunjava zahtjev vezan za tačku 26. tenderske dokumentacije Cijena ponude i to:

Ponuđač Euro-Bicco d.o.o Sarajevo, je u sklopu svoje ponude dostavio Obrazac za cijenu ponude - Robe, Aneks 3, koji nije u skladu sa zahtjevima iz Tenderske dokumentacije iz razloga što je isti propustio označiti katalošku oznaku modela u Obrascu za cijenu ponude Aneks 3 kako je i zahtjevano tačkom 26. tenderske dokumentacije „Ponuđač je dužan dostaviti popunjen Obrazac za ponudu i Obrazac za cijenu ponude sa tehničkom specifikacijom koji se nalaze u prilogu TD, u skladu sa svim podacima koji su definisani Aneksom 2 i Aneksom 2-1, Aneksom 3 i Aneksom 3-1 odnosno za sve stavke koje su sadržane u tim obrascima.

26.2. U slučaju da ponuđač propusti popuniti Obrazac za cijenu ponude u skladu sa postavljenim zahtjevima, za sve stavke koje su navedene, njegova ponuda će biti odbačena.

U skladu sa navedenim, a na osnovu člana 57. stav 1 ZJN, ponuđači su dužni da se u postupcima javnih nabavki pridržavaju uslova i zahtjeva ugovornog organa iz tenderske dokumentacije.

Na osnovu navedenog Komisija konstatuje da se ponuda ponuđača Euro-Bicco d.o.o., Terezije 27 (KSC Skenderija) Sarajevo, odbija u skladu sa članom 68. stav 4), tačka i) Zakona o javnim nabavkama, jer ne ispunjava zahtjeve iz Tenderske dokumentacije

Ponuđač GODEX d.o.o. Sarajevo, se odbija kao neprihvatljiva za Ugovorni organ iz razloga što isti neispunjava uslove zahtjevane tačkom 19. Tehnička i profesionalna sposobnost i to:

Komisija ugovornog organa prilikom evaluacije ponuda konstatovala je da je ponuđač u sklopu svoje ponude dostavio Spisak izvršenih ugovora u kome je po prvom Ugovoru navedeno, Predmet ugovora - nabavka i isporuka mrtvačkih sanduka "EURO -BICCO" d.o.o. Sarajevo, vrijeme i mjesto izvršenja ugovora od 01.08.2023. - 30.09.2024. godine, vrijednost ugovora 363.157,93 KM sa PDV-om, po drugom Ugovoru je navedeno da je Predmet ugovora - nabavka i isporuka mrtvačkih sanduka, N&S d.o.o. Novi Travnik, vrijeme i mjesto izvršenja ugovora od 17.07.2023. - 30.09.2024. godine, vrijednost ugovora 252.283,90 KM sa PDV-om, kao i Potvrde o uspješnoj realizaciji Ugovora sa Spiska izvršenih ugovora za nabavku i isporuku mrtvačkih sanduka. Na strani 23 i 25 svoje ponude izdate od krajnjeg naručioca EURO - BICCO d.o.o. Sarajevo od 07.10.2024. godine i referenca izdata 07.10.2024. godine od krajnjeg naručioca N&S d.o.o. proizvodnja pogrebne opreme Novi Travnik.

Jedna od primarnih djelatnosti ugovornog organa je nabavka i prodaja mrtvačkih sanduka, što predstavlja ključni dio našeg poslovanja. Zahvaljujući dugogodišnjem iskustvu upoznati smo sa svim relevantnim proizvođačima i trgovcima u zemlji i regiji koji se bave proizvodnjom i prodajom drvenih mrtvačkih sanduka, čime smo stekli detaljno poznavanje tržišta.

Upravo iz gore navedenih razloga i sumnje Komisije Ugovornog organa u validnost i karakter izdatih potvrda, te sumnje da dobavljač nije u potpunosti razumio svrhu i sadržaj izdatih potvrda, s obzirom da je jedna od firmi koja je izdala potvrdu o uspješnoj realizaciji ugovora proizvođač pogrebne opreme (drvenih mrtvačkih sanduka), u svrhu utvrđivanja pravilnog činjeničnog stanja ugovorni organ je od ponuđača GODEX d.o.o. Sarajevo zahtjevao pojašnjenje reference o uspješnoj realizaciji ugovora kao i da je isti u obavezi dostaviti dokaze za gore navedene Potvrde o uspješnoj realizaciji ugovora u vidu Zapisnika o prijemu robe/Otpremnica, te kopije faktura sa fiskalnim računom.

Ponuđač Godex d.o.o. Sarajevo je u datom roku dostavio tražene dokaze u vidu ispostavljenih faktura sa kopijom fiskalnih računa prema kupcu Euro-Bicco d.o.o. Sarajevo u vrijednosti od 429.151,94 KM sa PDV-om. U sklopu traženih dokaza ponuđač Godex d.o.o. Sarajevo je dostavio i fakture koje se pretpostavljamo ne odnose na navedeni ugovor, s obzirom da je vrijednost dostavljenih faktura veća za iznos od 63.651,62 KM sa PDV-om, u odnosu na Spisak izvršenih ugovora u kome je navedena vrijednost ugovora u iznosu od 363.157,98 KM sa PDV-om, kao i dostavljenoj Potvrdi o uspješnoj realizaciji ugovora izdatoj od strane EURO-BICCO d.o.o. Sarajevo gdje je iskazana vrijednost ugovora u iznosu od 363.157,98 KM sa PDV-om, čime je ponuđač Godex d.o.o. dokazao da je jedna od dostavljenih potvrda u sklopu njegove ponude i to od strane firme EURO BICCO d.o.o. Sarajevo uredna.

Dostavljeni dokazi koji se odnose na potvrdu o uspješnoj realizaciji ugovora izdatu od strane Firme N&S d.o.o. Proizvodnja pogrebne opreme, Novi Travnik se ne mogu uzeti u razmatranje iz razloga što na osnovu istih se ne dokazuje uspješno iskustvo ponuđača Godex d.o.o. Sarajevo u realizaciji ugovora za isporuku predmetne nabavke. Upravo na osnovu dostavljenih dokaza odnosno faktura sa kopijom fiskalnih računa evidentno je da je Firma N&S d.o.o. Proizvodnja pogrebne opreme, Novi Travnik ispostavljala fakture ponuđaču Godex d.o.o. Sarajevo za isporučenu robu (drvene mrtvačke sanduke), gdje se jasno može uočiti da je Godex d.o.o. u ovom slučaju bio kupac gore pomenute robe a ne prodavac, te samim tim potvrda koja je dostavljena od strane firme N&S d.o.o. Novi Travnik nije u skladu sa zahtjevima iz tačke 19. tenderske dokumentacije -Tehnička i profesionalna sposobnost i to:

„Uspješno iskustvo u realizaciji ugovora za isporuku predmetne nabavke čiji su karakter i kompleksnost isti ili slični sa onima koji se odnose na predloženi ugovor, u posljednje 3 (tri) godine i čija je ukupna zbirna vrijednost minimalno 390.000,00 KM bez (PDV-a) (odnosi se samo na Lot 1)“.


Na osnovu navedenog Komisija konstatuje da se ponuda ponuđača Godex d.o.o., Sarajevo, odbija u skladu sa članom 68. stav 4), tačka i) Zakona o javnim nabavkama, jer ne ispunjava zahtjeve iz Tenderske dokumentacije.

Komisija daje prijedlog Direktor KJKP POKOP d.o.o. Sarajevo da donese Odluku o poništenju postupka nabavke u skladu sa članom 69. stav 2 tačka d) Zakona o javnim nabavkama (Sl. Glasnik BiH broj 39/14, 59/22 i 50/24).

Shodno navedenom ugovorni organ je prihvatio prijedlog Komisije i donio Odluku kao u dispozitivu.

**Pouka o pravnom lijeku:**

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.



Prilog:

- Kopija zapisnika o pregledu i ocjeni ponuda

Dostaviti:

1. Ponuđačima x 3;
2. Nadležnoj službi;
3. a/a.

*[Handwritten mark]*